

和漢年代歌

全

小寺庫

リ 7
1705



1705

和漢年代歌
1705

小倉文庫
玉皇文庫



和漢年代歌

我邦開闢國常立、神祇年代幾相襲、
 上古荒唐不可論、傳道陰陽諾冊尊、
 大日靈神照天下、瓊杵降禰天孫、
 兒根太玉經甕等、神德雄風定葦原、
 聞說異邦盤古在、天地人皇數萬歲、

小倉文庫

第一庖犧姓是風龍馬呈祥圖八卦
嗣後星霜不可知至無懷氏十四代
第二神農姓曰姜嘗艸作市教種藝
其孫五百有餘年曲阜之都傳八世
第三黃帝姓公孫始製衣裳造書契
後世稀聞二氏孫但聞黃帝多苗裔

塗天顛頊及高辛或合唐虞稱五帝
堯民鼓腹百餘春舜世聽絃五十歲
大禹登庸無間然謳歌之啓世相傳
夏后十七五百載放桀殷湯又繼天
殷世三十年六百高宗舉用傅巖賢
大哉文武周公德夏殷禮樂至周全

周公築洛會諸侯文冠文物自優
釋迦相當周五世穆王遊歷崑崙丘
西周三百餘年後平王遷洛是東周
十八惠王周世半神武天皇御八洲
皇統四世懿德帝此時孔子作春秋
相尋戰國七雄起堅白縱橫更不休

周合東西八百載二十七王應十籌
始皇一統唯三世三世纔持四十歲
徐福當時求藥來本邦第八孝元帝
秦亡漢楚數相爭垓下敗軍離不逃
小哉項羽婦人仁海內終歸大度人
四百餘年前後漢中間新室十餘春

後漢再興光武帝佛敎始傳明帝世
 日本武尊東伐時至今千有六百歲
 漢哀三國六十年吳後亡今魏蜀先
 豈圖司馬知天下孔明奇策亦徒然
 神功皇后征高麗三韓降服勒功旋
 應神踐祚真神聖孝經論語自韓傳

王仁爲獻浪華詠仁德高臨民戸烟
 晋在河南五十霜東晋百年都建康
 五胡徃々猜中夏南朝北魏亦相抗
 南朝八王魏十二二世齊亡又禪梁
 梁君四主五十歲曇摩沒海自西航
 欽明都在磯城嶋佛法東流創塔堂

吳晉以來三百祀、追陳六代建康亡、
隋世三君三十歲、煬帝驕奢過、始皇
豐聰太子罵隋使、豈我天皇事汝王、
太宗創業多長策、三百年間是李唐、
初唐一變六朝詩、近體遂成千歲規、
天智天皇都志賀、諸將援韓革裏屍、

寧樂之都撰萬葉、安部仲滿入唐時、
舍人親王編國史、平安城闕鴨川湄、
桓武遷都延曆歲、田村麻呂討東夷、
兼平天慶逆徒蠢、一亡東國一西陲、
五代十僭五十載、宋祖用兵專事慈、
陳搏為知天下定、歷年三百金蒙窺、

源氏將軍誅奧賊前九後三翻白旗
其後保元平治變源衰平盛挾王威
榮花二十餘年夢世事變遷如博碁
宋儒唱導河南學性理工夫在致知
大學中庸序成日淳熙己酉我文治
一從平族沈西海幕府大開相海涯

始為日本惣追使武威日盛王綱衰
忽起逆鱗兼久亂副帥執權天下隨
蒙古亡金又伐宋八十餘年式九圍
元兵來寇弘安四船覆颶風歸者稀
鎌倉一百四十歲北条九代一時隳
元弘重祚僅三歲建武戰爭龍駕危

官軍不利南山狩足利將軍霸帝幾
大明大祖朱爲姓復是寬仁起布衣
定鼎南京龍虎地成祖北京開帝闈
三百年間文物盛能學唐詩修古辭
甚矣應仁天正亂中原逐鹿競相馳
將軍十五世尸職二百卅年黔首悲

四海一歸豐太閤遠伐朝鮮大出師
猛威三十有餘歲浪萃城郭獨空遺
君不見 霸業竟成天授德
關原一戰大平基元和元年偃革後
四方風定不鳴枝二百年來民得所
康衢擊壤樂熙々鄰國望風聘東武

遠夷嚮化湊長崎何意明亡還左社
 韓國流風鼠竊姿者我東方君子國
 人皇百廿四無移二千四百四十歲
 日月高懸無盡期

凡百六十二句九十二韻 百五十四調聲八句拗

合一主人藏

